

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. VIII. TIT. III. De Servitut. Præd. Rust.

urn:nbn:de:gbv:45:1-9044

latinatu) lumini & prospectui ipsius officiam. *B. Par. Hyp. Inst. h. §. 8. n. 6. & 8.*

Alium casum, ubi negatoria agens se fundat in libertate civili, affert *Lynch. cent. 14. dec. 1374.*

LIB. VIII. TIT. III.

DE

SERVITUT. PRÆD. RUST.

Qv. I. *An aqua etiam non perennis ducatur?*

Laut. pag. 138. verb. Ex aequitate etiam etc. **A**FFIRMAT hoc *Laut. h. p. 138.* idque ex æquitate permitti ait, sed contrarium verius: neque enim tunc vera servitus dici potest, quia causa non est perpetua. *vid. sup. tit. 1. §. 2.*

O B J. *L. 9. ff. h. verb. Hodie ex quocunque loco constitui solet.*

R E S P. Hoc non ex jure, nedum æquitate, sed usu & moribus est.

Qv. II. *An jus compascui sit vera servitus?*

Laut. pag. 138. verb. Aliud est jus compascui etc. **N**E G. Quod sequentibus rationibus probat *B. Parens in disp. de Praeser. extraord. th. 23. seq.* (I) Quia qui compascua habet, non utitur jure servitutis, adeoque nec eo usu servitutem unquam acquirit. Quod non utatur jure servitutis, sic demonstratur: Vel enim utitur jure servitutis personalis, vel prædialis, *arg. l. 1. ff. de Servit.* Non jure *personalis*; quia quatuor tantum in universum sunt servitutes personales, usufructus, usus, habitatio, & servorum operæ, uti pater ex *lib. 7. fforum*, ubi ex professo de servitutibus personalibus tractatur; & ex *rubr. & tot. tit. C. de Usufr. habit. & minist. serv.* nec non ex *lib. 2. Inst. tit. 4. & 5.* Neque ullum alterius personalis servitutis vestigium in jure extat: Neque utitur jure *prædialis*, quia servitutes prædiales nullæ sunt, nisi quæ & quatenus ad utilitatem fundi vicini pertinent; adeo ut, si cui expresse quoque constituta sit servitus pascendi, is non possit pecora immittere, quibus ad usus suos domesticos, vel ad commercia utilis est, sed tantum quæ ad utilitatem agri sui habet, uti boves aratorios &c. per text. expr. in *l. 5. in fin. ibi: non ultra posse quam ad eum ipsum fundum opus sit. l. 6. princ. & §. 1. ff. de servit. præd. rust.* At compascuorum usus promiscuus est, & valet cujusque usus causa pecora habeantur; ut constat. Igitur qui compascuis utitur



tempore precario utens præscribere possit, quia est vitiosa possessio;
l. 10. si serv. vind. dict. disp. §. 26.

LIB. VIII. TIT. V.

SI SERVITUS VINDICETUR VEL AD ALIUM PERT. NEG.

QV. I. *An detur actio confessoria domino qui servitum
 quasi possidet?*

*Dissent.
 Laut. pag.
 139. verb.
 Etiam si
 servitu-
 tem quasi
 possideat
 Et.*

NEG. (1) Quia unusquisque possessor tutus est sua possessione, adeo ut actione opus non habeat: *l. 1. §. 6. uti possid.* Equidem (2) in actione negatoria constitutum est, ut possessor instituta actione contendere possit rem actoris non esse, at in confessoria nulli. Indeque (3) asseritur in §. 1. *Inst. Act.* non esse proditam actionem possessori qua *NB. neget rem actoris esse*, nisi in servitutibus. Hoc autem tantum in negatoria fit, qua qui possidet libertatem, negat servitum petitoris esse, in confessoria enim semper id affirmat actor. Atque hinc (4) dicitur confessoria agenti incumbere probationem, *l. 9. pr. h.* at si possessor est, non probat. §. 4. *Inst. act.*

OBJ. *L. 6. §. 1. ff. h.* Ubi dicitur, *in his servitutibus* (loquebatur autem in *pr. d. l. 6.* de affirmativis, & de confessoria, voc. *vindicatio*) *possessorem esse eum & petitorem*; Ergo vindicans servitum, seu confessoria agens, & possessor ibi est, & actor.

RESP. Loquitur textus de servitutibus negativis, adeoque de actione negatoria: Ex *pr. d. l.* enim apparet, agi ibi de servitute qua vicinus intendit jus mihi non esse ita ædificatum habere invito eo: hæc vero servitus negativa dicitur in §. 1. *Inst. act.* ibi: *Si quis intendat jus non esse adversario etc. altius tollendi etc. istæ quoque actiones in rem sunt, sed negativæ*: His ita suppositis pergit *Jctus* & ait in *d. l. §. 1.* **IN HIS SERVITUTIBUS** scil. in quibus vicinus intendit, *jus mihi non esse ita ædificatum habere*, **POSSESSOREM EUM ESSE JURIS ET PETITOREM.**

INSTO, Quod hic possessor videatur intendere & petere servitum, dum vicino negat libertatem altius tollendi, contenditque jus ei non esse, *d. §. 1.* quæ sane non erit negatoria, utpote quæ non datur ei qui petit servitum, sed qui eam negat, *l. 2. pr. si serv. vind.*

